

佛說八師經

吳月支國優婆塞支謙譯



南無本師釋迦牟尼佛

說明

根據《乾隆大藏經》小乘單譯經，第 0706 部，吳月支國優婆塞支謙譯《佛說八師經》影印本校正的。句讀及注音僅供參考。

本電子書是免費結緣品，特此說明。

仁慧草堂

二〇二〇年十月



扫码关注仁慧草堂微信公众号

● 起誦儀

誦經警文

1. 未誦前。漱口澡手。當淨三業。若三業無虧。則百福俱集。三業者。身口意也。端身正坐。如對聖容。則身業淨也。口無雜言。斷諸嬉笑。則口業淨也。意不散亂。屏息萬緣。則意業淨也。
2. 未誦前。已誦後。俱要對聖像前合掌三禮。如無佛像。對經。對空禮拜亦可。

香讚

(一徧)

爐香乍爇。法界蒙薰。諸佛海會悉遙聞。隨處結祥雲。誠意方殷。諸佛現全身。

南無香雲蓋菩薩摩訶薩 (合掌三稱)

南無本師釋迦牟尼佛 (合掌三稱)

開經偈

(一徧)

無上甚深微妙法 百千萬劫難遭遇
我今見聞得受持 願解如來真實義

佛說八師經

吳月支國優婆塞支謙譯¹

聞如是：

一時，佛在舍衛國祇樹給孤獨園。

時有梵志，名曰耶旬²，來詣佛所。

阿難白佛言：「有異學梵志今來在外，欲資³所疑。」

天尊曰：「現之。」

梵志乃進，稽首佛足。

天尊曰：「就座。」

梵志就座，須臾退坐曰：「吾聞佛道厥義弘深，汪洋無涯，靡不成就，無⁴不度生，巍巍堂堂，猶星中月，神智妙達，眾聖中王，諸天所不及⁵，黎民所不聞。願開盲冥，釋其愚癡。所事何師，以致斯尊？」

天尊曰⁶：「快哉斯問！開發大行。吾前世師，

¹ 麗本：吳月支國居士支謙譯；永樂北藏本及龍藏本：吳月支國優婆塞支謙譯

² 麗本：旬；永樂北藏本及龍藏本：旬

³ 麗本：咨；永樂北藏本及龍藏本：資

⁴ 麗本：靡；永樂北藏本及龍藏本：無

⁵ 麗本：逮；永樂北藏本及龍藏本：及

⁶ 麗本：歎曰；永樂北藏本及龍藏本：曰

其名難數。吾今自然神曜⁷得道，非有師也。然有八師，從明得之。」

佛言：「一謂兇暴，殘殺物命。或為怨家所見刑⁸戮；或為王法所見誅治，滅及門族。死入地獄，燒煮擄掠，萬毒皆更，求死不得。罪竟乃出，或為餓鬼，或為畜生，屠割剝裂。死輒更生⁹，魂神展轉，更相殘賊。吾見殺者，其罪如此，不敢復殺。是吾一師。」

佛時頌曰：

殺者心不仁 強弱相殘傷¹⁰
殺生當過生 結積累劫怨
受罪短命死 驚怛¹¹遭暴患
吾用畏是故 慈行¹²伏魔宮

佛言：「二謂盜竊，強劫人財。或為財主刀杖加刑，應時瓦解；或為王法收繫著獄，考¹³掠擄笞，五毒並至，戮之都市，門族¹⁴灰滅。死入地獄，以手捧火，洋銅沃口，求死不得。罪竟乃出，當為餓鬼，意欲飲水，水化為膿，所欲食物，

⁷ 麗本：耀；永樂北藏本及龍藏本：曜

⁸ 麗本：刑；永樂北藏本及龍藏本：佛言：「一謂兇暴，殘殺物命。或為怨家所見刑

⁹ 麗本：刃；永樂北藏本及龍藏本：生

¹⁰ 麗本：傷殘；永樂北藏本及龍藏本：殘傷

¹¹ 麗本：怖；永樂北藏本及龍藏本：怛

¹² 麗本：心；永樂北藏本及龍藏本：行

¹³ 麗本：拷；永樂北藏本及龍藏本：考

¹⁴ 麗本：宗門；永樂北藏本及龍藏本：門族

物化成炭，身常負重，眾惱自隨；或為畜生，死輒更刃，以肉供人，償其宿債。吾見盜者，其罪如此，不敢復盜。是吾二師。」

佛時頌曰：

盜者不與取 劫竊人財寶
亡者無多少 忿恚愁毒¹⁵惱
死受六畜形¹⁶ 償其宿債負
吾用畏是故 棄國施財寶¹⁷

佛言：「三謂邪淫，犯人婦女。或為夫主、邊人所知，臨時得殃，刀杖加刑，首體分離，禍及門族¹⁸；或為王法收捕¹⁹著獄，酷毒掠治，身自當辜²⁰。死入地獄，臥之鐵床；或抱銅柱，獄鬼然火，以燒其身。地獄罪畢，當更畜生。若後²¹為人，閨門淫亂，違佛遠法，不親賢眾，常懷恐怖，多危少安。吾見是故，不敢邪淫。是吾三師。」

佛時頌曰：

淫為不淨行 迷惑失生²²道
形銷魂魄離²³ 傷命而早夭

¹⁵ 麗本：懷憂；永樂北藏本及龍藏本：愁毒

¹⁶ 麗本：身；永樂北藏本及龍藏本：形

¹⁷ 麗本：家行學道；永樂北藏本及龍藏本：國施財寶

¹⁸ 麗本：刑；永樂北藏本及龍藏本：刑，首體分離，禍及門族

¹⁹ 麗本：繫；永樂北藏本及龍藏本：捕

²⁰ 麗本：戮之都市；永樂北藏本及龍藏本：身自當辜

²¹ 麗本：復；永樂北藏本及龍藏本：後

²² 麗本：正；永樂北藏本及龍藏本：生

²³ 麗本：精神魂魄馳；永樂北藏本及龍藏本：形銷魂魄

受罪頑癡荒 死復墮惡道
吾用畏是故 棄家樂山²⁴藪

佛言：「四謂兩舌、惡口²⁵、妄言、綺語。譖入無罪，毀謗²⁶三尊，舌致捶杖，亦致滅門。死入地獄，獄中鬼神拔出其舌以牛犁之；洋銅灌口，求死不得。罪畢乃出，當為畜生，常²⁷食草棘。若後為人，言不見信，口中恒臭，多被誹²⁸謗罵詈之聲，臥輒惡夢，有口不²⁹得含佛經之至味。吾見是故，不敢惡口。是吾四師。」

佛時頌曰：

欺者犯³⁰四過 讒佞傷貞賢³¹
受罪癡聾盲 蹇吃口臭腥
瘖瘂³²不能言 死入拔舌犁³³
吾修四淨口 自致八音聲

佛言：「五謂嗜酒。酒為毒氣，主成眾³⁴惡：王道毀，仁澤滅，臣慢上，不忠不敬³⁵，於父禮

²⁴ 麗本：林；永樂北藏本及龍藏本：山

²⁵ 麗本：惡口、兩舌；永樂北藏本及龍藏本：兩舌、惡口

²⁶ 麗本：謗毀；永樂北藏本及龍藏本：毀謗

²⁷ 麗本：恒；永樂北藏本及龍藏本：常

²⁸ 麗本：逢譖；永樂北藏本及龍藏本：被誹

²⁹ 麗本：不能；永樂北藏本及龍藏本：不

³⁰ 麗本：有；永樂北藏本及龍藏本：犯

³¹ 麗本：良貞；永樂北藏本及龍藏本：貞賢

³² 麗本：癡狂；永樂北藏本及龍藏本：瘖瘂

³³ 麗本：囹；永樂北藏本及龍藏本：犁

³⁴ 麗本：諸；永樂北藏本及龍藏本：

³⁵ 麗本：忠敬朽；永樂北藏本及龍藏本：不忠不敬

亡³⁶，母失慈，子凶勃³⁷，孝道敗，夫失信，婦奢
婬，九族諍，財產耗。危國亡身³⁸，無不由酒³⁹。
酒之亂道，三十有六。吾見是故，不敢飲酒⁴⁰。
是吾五師。」

佛時頌曰：

醉者為不孝 怨禍從內生
迷惑清高士 亂德敗淑真⁴¹
故吾⁴²不飲酒 慈心濟群生
淨慧度八難 自致覺道成

佛言：「六謂年老。夫老之為苦，頭白齒落，
目視茫茫⁴³，耳聽不聰，盛去衰至，皮緩面皺，
百節痠疼，行步苦極，坐起呻吟，憂悲心惱⁴⁴，
識神轉滅，便旋即亡⁴⁵，命日促盡，言之流涕。
吾見無常，災變如斯，故行求道，不欲更之。是
吾六師。」

佛時頌曰：

吾念世無常 人生要當老

³⁶ 麗本：父失禮；永樂北藏本及龍藏本：於父禮亡

³⁷ 麗本：逆；永樂北藏本及龍藏本：勃

³⁸ 麗本：亡國危；永樂北藏本及龍藏本：危國亡

³⁹ 麗本：之；永樂北藏本及龍藏本：酒

⁴⁰ 麗本：絕酒不飲；永樂北藏本及龍藏本：不敢飲酒

⁴¹ 麗本：貞；永樂北藏本及龍藏本：真

⁴² 麗本：吾故；永樂北藏本及龍藏本：故吾

⁴³ 麗本：眈眈；永樂北藏本及龍藏本：茫茫

⁴⁴ 麗本：惱苦；永樂北藏本及龍藏本：心惱

⁴⁵ 麗本：忘；永樂北藏本及龍藏本：亡

盛去日衰羸 形枯而白首
憂勞百病生 坐起愁痛惱
吾用畏是故 棄國行求⁴⁶道

佛言：「七謂病瘦。肉盡骨立，百節皆痛，猶被杖楚，四大進退，手足不隨⁴⁷，氣力虛竭，坐臥須人，口燥脣焦，筋斷鼻炆⁴⁸，目不見色，耳不聞音，不淨流出，身臥其上，心懷苦惱，言輒悲哀。今觀世人年盛力壯，華色暉暉，福盡罪至，無常百變。吾觀斯患，故行求道，不欲更之。是吾七師。」

佛時頌曰：

念人衰老時 百病同時生
水銷⁴⁹而火滅 刀風解其形
骨離筋脈斷⁵⁰ 大命要當傾
吾用畏是故 求道願不生

佛言：「八謂人死。四百四病同時俱作，四大欲散，魂神不安，風去氣⁵¹絕，火滅身冷，風先火次，魂靈去矣，身體佺⁵²直，無所復知；旬

⁴⁶ 麗本：家行學；永樂北藏本及龍藏本：國行求

⁴⁷ 麗本：任；永樂北藏本及龍藏本：隨

⁴⁸ 麗本：圻；永樂北藏本及龍藏本：炆

⁴⁹ 麗本：消；永樂北藏本及龍藏本：銷

⁵⁰ 麗本：絕；永樂北藏本及龍藏本：斷

⁵¹ 麗本：息；永樂北藏本及龍藏本：氣

⁵² 麗本：挺；永樂北藏本及龍藏本：佺

日之間肉壞血流，**胖膿**⁵³爛臭，無一可取；身中有蟲，還食其肉；筋脈爛盡，骨節解散，髑髏異處，脊、脅、肩、臂、脛、脛、足、指各自異處；飛鳥走獸競來食之。天、龍、鬼神、帝王、人民、貧富、貴賤無免**斯**⁵⁴患。吾見斯變，故行求道，不欲更之。是吾八師。」

佛時頌曰：

惟念⁵⁵老病死 三界之大患
福盡而命終 棄之⁵⁶於黃泉
身爛還為土 魂魄隨因緣
吾用畏是故 學道昇泥洹

於是梵志聞佛所說，心開意解，即得道迹，**長**⁵⁷受五戒，為清信士，不殺，不盜，不婬，不欺，奉孝，不醉。為佛作禮，**歡**⁵⁸喜而去。

佛說八師經

⁵³ 麗本：臃脹；永樂北藏本及龍藏本：胖膿

⁵⁴ 麗本：此；永樂北藏本及龍藏本：斯

⁵⁵ 麗本：我惟；永樂北藏本及龍藏本：惟念

⁵⁶ 麗本：氣絕；永樂北藏本及龍藏本：棄之

⁵⁷ 麗本：前；永樂北藏本及龍藏本：

⁵⁸ 麗本：歡；永樂北藏本及龍藏本：為佛作禮，歡

● 結誦儀

補闕真言

(三徧)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛拏. 吽. 潑抹拏. 娑
婆訶.

補闕圓滿真言

(三徧)

唵. 呼嚧呼嚧. 社曳穆契. 莎訶

普回向真言

(三徧)

唵^一娑摩囉^二娑摩囉^三彌摩曩^四薩哈^{呼馬切}囉^五摩訶^{爻上聲}咱
哈囉吽^六

拔一切業障根本得生淨土陀羅尼

(三遍)

南無阿彌多婆夜。哆他伽路夜。哆地夜他。
阿彌唎。都婆毗。阿彌唎哆。悉耽婆毗。阿彌唎
哆。毗迦蘭帝。阿彌唎哆。毗迦蘭哆。伽彌膩。
伽伽那。枳多迦隸。娑婆訶。

(不思議神力傳云。若欲受持呪法。嚼楊枝。澡豆。漱口。
然香。于佛像前胡跪合掌。日夜六時。各誦三七遍。即滅四重。
五逆。十惡。謗方等罪。悉得滅除。現世所求皆得。不為惡鬼神
所惑亂。若數滿二十萬遍。即感得菩提牙生。若至三十萬遍。即
面見阿彌陀佛。拔一切業障根本得生淨土神呪云。若有善男子善
女人能誦此呪者。阿彌陀佛常住其頂日夜擁護。無令怨家而得其
便。現世常得安隱。臨命終時。任運往生。)

讚佛偈

(一遍)

阿彌陀佛身金色 相好光明無等倫
白毫宛轉五須彌 紺目澄清四大海
光中化佛無數億 化菩薩眾亦無邊
四十八願度眾生 九品咸令登彼岸

南無西方極樂世界大慈大悲阿彌陀佛 一稱

南無阿彌陀佛 千稱或數百稱

阿彌陀佛 千稱或數百稱

南無觀世音菩薩 三稱三拜

南無大勢至菩薩 三稱三拜

南無清淨大海眾菩薩 三稱三拜

慈雲懺主淨土文

(一遍)

一心皈命。極樂世界。阿彌陀佛。願以淨光照我。慈誓攝我。我今正念。稱如來名。爲菩提道。求生淨土。佛昔本誓。若有眾生。欲生我國。至心信樂。乃至十念。若不生者。不取正覺。以此念佛因緣。得入如來大誓海中。承佛慈力。眾罪銷滅。善根增長。若臨命終。自知時至。身無病苦。心不貪戀。意不顛倒。如入禪定。佛及聖眾。手執金臺來迎接我。於一念頃。生極樂國。華開見佛。即聞佛乘。頓開佛慧。廣渡眾生。滿菩提願。

十方三世一切佛。一切菩薩摩訶薩。摩訶般若波羅蜜。

迴向偈

(一遍)

願生西方淨土中 九品蓮華為父母
華開見佛悟無生 不退菩薩為伴侶

三皈依

(一遍)

自皈依佛。當願眾生。體解大道。發無上心。
自皈依法。當願眾生。深入經藏。智慧如海。自
皈依僧。當願眾生。統理大眾。一切無礙。和南
聖眾。

(淨土文及迴向偈。當對佛跪念。念畢。起身三禮而退。)

南无护法韦驮尊天菩萨



此咒置經書中可滅誤跨之罪